

2018ko URTARRILAREN 4ko OSOKO BILKURA ARRUNTAREN LABURPENA

1º.- Aurreko bilkurako akta irakurri eta onestea.

2017/12/14ko akta onetsi da.

2º.- Larraintzarko Benta Zentro Zibikoko garbiketa, atezaintza eta taberna zerbitzua kontratatzeko Espedienteari hasiera emateko erabakia hartzea, eta Baldintza Administratiboan Plegua eta espediente horretan aurrekusitako izapidatze eta prozedura onestea.

Alkateak gaia azaldu eta espedientean agertzen diren dokumentuen edukia laburtu du, baita Zentro zibikoko tabernaren alokairua berriz ere lehiaketara atera behar izatearen inguruko gertaerak ere, honako argudioekin: Aurreko osoko bilkuran esan zen moduan gauza da pertsona batzuen kexak egon direla zentro zibikoko tabernara joan eta irekitze ordutegiaren barruan itxita aurkitu baitzuten; hori dela eta, alkatea eta idazkaria maizterekin hitz egitera joan ziren arrazoia jakiteko, eta arazoa da pleguan aurrekusitako ordutegia bete behar badute ez zaiela alokairuarekin jarraitzea interesatzen, batez ere taberna arratsaldeko 21:00ak arte zabaltzearen betebeharrari dagokiona nahiz eta zentro zibikoan jarduerarik ez egon.

Gauzak horrela, idazkariak eta alkateak hainbat bilera izan zituzten maizterekin alokairuaren baldintzen inguruan konponbide bat bilatzeko asmoz (baldintza plegua, kontratua...), baina ezinezkoa izan zen kontratua publikoa denez baldintza hauek ezin baitira orain aldatu eta bertan parte hartzeko beste pertsona interesatu batzuk egon zitezkeelako orain tabernako nahitaezko ordutegietan aldaketak egon behar zirela jakitean. Hori dela eta, azkenean egungo maizterekin borondatez kontratua amaitzea adostu zen otsaila hasierako datarekin eta aldi berean zentro zibikoaren taberna eta garbiketaren kontratazioa berriz ateratzea, oraingo honetan baldintza plegu batekin non nahitaezko irekitzeko ordutegiak gehiago malgutu diren, nolabait adieraziz tabernaren nahitaezko irekiera 20:00ak arte baino ez dela eskatuko eta opor-aldietan itxi ahalko dela arratsaldetan jarduerarik ez badago.

Agrupacion Ultzama udal taldeko Perez Arregui zinegotziak hartu du hitza eta pleguaren inguruko adierazpen batzuen edukiaren inguruan argibide batzuk egin ditu, uste baitu eskatutako ordutegi minimoari dagokionez kontrajarriak direla.

Halaber, EH Bildu Ultzama udal taldeko Picabea zinegotziak ere uste du beste kontraesan bat dagoela ordutegi orokorra eta opor-aldiko ordutegia definitzeko moduan.

Adostasunez, erredakzio berri bat egin da, eskatutako ordutegi minimoaren gaia adierazten den pleguaren zati honekin, horrela argi gera dadin taberna arratsaldeko 20:00ak arte irekita egon behar dela, galarazi gabe opor-aldian jarduerarik ez dagoen arratsaldetan itxi ahal izatea.



Agrupacion Ultzama Udal taldeko Perez Arregui zinegotziak hartu du hitza eta defendatu du hautagai posibleak puntuatzeko momentuan Ultzamako bizilagunen aldeko diskriminazio positiboa egin beharko litzatekeela, Ultzama baita zentro zibikoa eraiki zuena eta honi dagozkion betebeharrak gehienak bere gain hartzen dituenak, ekonomikoak eta beste batzuk...

Era berean uste du gertatzen ahal diren (eta berez gertatzen diren) matxurak konpontzera, argiak itzaltzera, eta abarrera joateko orduan maizterren disponibilitatea ere balioetsi beharko litzatekeela adjudikatzeke irizpide gisa, hau da, puntuak ematea bere bizilekua zentro zibikotik gertuago edo urrunago dagoen arabera.

EH Bildu Ultzama udal taldeko alkateak eta Picabea zinegotziak hartu dute hitza eta adierazi dute, apreziazio hori interesgarritzat hartu arren, ez diotela lekurik ikusten maizterren balioespena egiteko orduan haien ustez ez baita bidezkoa Ultzamako bizilagunei lehentasuna ematea zentro zibikoan parte hartzen duten beste udalen gainetik, eta distantzia eta disponibilitatea balioesteak aurkakoa ekartzen ahal duela, zentro zibikotik urrun bizi diren Arraizko Bentako edo Ilarregiko bizilagunak baztertzea, adibidez.

Udalbatzako kideen artean adostasunik lortu ez dutenez bozketa egin da:

- Aldeko botoak: Martinez Urionabarrenechea, Etxeberria, Doray, Picabea, eta Aranguren.
- Abstentzioak: Oyarzun eta Perez Arregui. Botoaren zentzuan justifikatu dute lehen aipaturiko arrazoiengatik.

Aurrekoa ikusirik, udalbatzak puntu hau onetsi du.

LEHENA.- Arestian aipaturiko kontratazio espedientea eta haren dokumentazioa onestea eta espedientea tramitatzea espedientean eta araudi aplikagarrian aurreikusitako prozeduraren arabera –Europar Batasunerako publizitaterik gabeko prozedura negoziatua.

BIGARREN.- Lan/zerbitzuen iraupena (urte bat luzeagoa gehienez lau urtez) eta kontzeptu horri dagokion gastua onestea, 2018. urtean 11.500 euro gehi dagokion BEZa.

HIRUGARREN.- Erabaki hau Odietako, Atezko eta Lanzko udalei jakinaraztea.

3º.- Hiri jarduerako Plan Berezia Iraizozko UE-01 unitatean, Jose Ramón Barberena Muguironk sustatua. Espedientea hasiera batez onestea, eta bidezko erabakiak hartzea.

Alkateak gaia azaldu du eta espedientean agertzen diren dokumentuen edukia laburtu du.

Jarraian, zalantza bat baiezko batekin argitu da, kontzejuan dagoen bidearen inguruan, ea exekuzio unitate eremuaren barruan sartzen ote den: bide hori eremuaren barruan dago birpartzelazio eta urbanizazio prozesuaren ondorioz,



etxebizitza berrietarako sarbideko kale bihurtuko baita eta Udalaren titulartasunean geratuko da.

Aho batez onetsi da.

LEHENA.- Espedientea hasiera batez onestea.

BIGARREN.- Espedientearen tramitazioari ekitea.

4º.- Alkatetzaren informazioak.

Ez dago alkatetzaren informaziorik.

5º.- Exekutiboaren kontrola: Aintzat hartzea Alkatetzaren 2017ko 231.ebazpenetik 250.era.

Kontuan hartu dira goian aipaturiko alkatetzaren ebapenak.

6º.- Eskaerak eta galderak.

Ez da eskaera edo galderarik izan.